

佛說放牛經

姚秦三藏法師羅什譯

聞如是一時婆伽婆在舍衛國祇樹給孤獨園是時佛告諸比丘有十一法放牛兒不知

思二

四

盛

放牛便宜不曉養牛何等十一一者放牛兒不知色二者不知相三者不知摩刷四者不知護瘡五者不知作烟六者不知擇道行七者不知愛牛八者不知何道度水九者不知逐好水草十者搆牛不遺殘十一者不知分別養可用不可用如是十一者放牛兒不曉

養護其牛者牛終不滋息日日有減比丘不知行十一事如放牛兒者終不成沙門此法中終不種法律根栽無有枝葉覆蔭不行十一事強為沙門者死墮三惡道何等比丘十

道行不知愛牛不知何道度水不知食處不知敬長老比丘云何不知色比丘不知四大不知四大所造色比丘如是不知比丘云何不知相比丘不知癡因緣相不知黠因緣相云何不知癡因緣相比丘不知黑緣不知白緣不知黑白緣云何不知黠相不知黑緣不知白緣不知白黑緣相比丘如是不知相比丘云何應摩刷而不摩刷比丘設欲心發便樂著不捨不忘不斷絕起恚癡貪慳及餘惡心盡懷不吐捨不吐如是比丘應摩刷而不摩刷也比丘云何應護瘡而不護瘡比丘見色起想聞聲愛著思想形體不知為惡不護眼

思二

五

盛

根耳鼻舌身心盡馳外塵而不能護如是比丘應護瘡而不護瘡云何比丘應作烟而不作烟比丘所學問不知為人說如是比丘應起烟而不起烟云何比丘不知擇道行比丘不入直道行行於非道云何行非道比丘入婬女里及酒會博戲處如是比丘為不知行

道云何比丘不知愛牛比丘講說法寶時不至心愛樂聽如是比丘為不知愛牛云何比丘不知度水比丘不知四諦何等四諦比丘不知苦諦苦集諦苦盡諦苦道諦如是比丘為不知度水云何比丘不知食處比丘不知四意止何等四意止比丘不知內觀身外

觀身內外觀身不知內觀痛外觀痛內外觀痛不知內觀意外觀意外觀意不知內觀法外觀法內外觀法如是比丘為不知食處云何比丘不知食不盡比丘設為國王長者清信士女請食設種種肴饌至心進上比丘不知齊限食已有餘復欲持歸如是比丘為

不知食不盡云何比丘不知敬長老比丘恭敬供養之云何不知設有長老比丘久習道德學問廣博小比丘不至心禮敬見之不起不為避座輕慢調戲不以善心待如是比丘不知敬長老其有比丘不知行十一法於吾法中不應為沙門不種法律根栽無枝葉覆

蔭皆自朽壞不如還為白衣若強為沙門者必入三惡道比丘知放牛兒十一行護其能使滋息云何十一此放牛兒為知色知相摩刷護瘡起烟擇道度水愛牛逐水草搆知遺殘齊限多少分別牛好惡養視可用者如是放牛者便能養護增益其牛佛於是頌曰

放牛兒審諦 牛主有福德 六頭牛六年成六十不減 放牛兒聰明 知分別諸相如此放牛兒 先世佛所譽

如是十一法比丘當行便能於是法中種法律根栽枝葉茂盛覆蔭大地不復朽壞何等十一比丘知色知相知摩刷知覆瘡知時時

作烟知行道知愛知度水知食處知不盡知敬長老舊學者恭敬供養云何比丘知色比丘知四大造起色如是比丘為知色云何比丘知相比比丘別癡別黠云何癡非所思而思非所行而行非所說而說是為癡云何為黠思可思行可行說可說是為黠能別癡黠是

為知相云何比丘應摩刷知摩刷比丘設生
 欲心能制遠避如吐惡見設起瞋恚貪及
 餘諸惡能制遠避如吐惡見如是比丘應刷
 知刷云何比丘應護瘡而護瘡比丘眼見色
 不分別好惡守護眼根不著外色遠捨諸惡
 護於眼根耳聽聲鼻嗅香舌嗜味身貪細滑
 意多念制不令著護此諸根不滌外塵如吐
 惡見如是比丘為知護瘡云何比丘時時放
 烟比丘如所學所聞所知以時廣說如是比
 丘為知放烟云何比丘行道比丘行審諦
 入道知不可行處婬里酒家博戲處終不妄
 入如是比丘為知行道云何比丘知愛比丘

見說法寶時至心聽受踊躍愛樂如是比丘
 名為知愛云何比丘知度水處比丘知四諦
 云何四諦苦諦苦集諦苦盡諦苦盡道諦如
 是比丘為知度水云何比丘知食處比丘知
 四意止云何四意止比丘觀內身觀外身觀
 內外身觀內痛觀外痛觀內外痛觀內意觀

思二

七

盛

外意觀內外意觀內法觀外法觀內外法如
 是比丘為知食處云何比丘知食不盡比丘
 若國王長者清信士女以信樂心請於比丘
 供養飲食種種肴膳加敬進勸比丘知節供
 身則止思惟佛語施者雖豐當自知限不為
 盡受如是比丘知食不盡云何比丘知敬長

老舊學者恭敬供養比丘當親近是輩禮敬
 供養出入迎送見來避座住力進止勿以懈
 慢如是比丘知敬長老比丘能行是十一事
 者於此法中種法律根栽枝葉滋茂多所覆
 蔭清淨無垢尔時世尊以偈讚曰

有信精進學 受食知節限 供養於長老

是行佛稱譽 如此十一法 比丘學是者

晝夜定心意 六年得羅漢

諸比丘聞佛所說發喜受行

佛說放牛經

思二